

Quan partim de la valea,
On la vita èra en penent,
Au planèr de la gran vila,
Que crompèm lotissement,
E Pepé qui repepieja,
Ne volè pas caminar,
Que gahà lo torticòli,
De tant que s'arrevirà.
La maison qui ns'an bastida,
Qu'ei ua Brunò Petit,
Que n'i a per tota la vita
Entà pagar lo credit.
Lo vesin qu'a la medisha,
Mes cadun qu'ei embarrat,
Que'u sarram la man tot dia,
Per dessus los barbelats.

Mes un dia dab Pepé
Que torneram tà la valea,
Camas cortas, camas vielhas,
Medish pas que marcheram,
E jo quan vien lo ser,
Ne voi pas minjar la sopa,
Entà non pas vàder gran,
Entà non pas vàder gran.

Tà rentrer dehens la crampa,
Los patins que cau hicar,
Hens ua maishanta virada,
Pepé que s'espatairà.
Despuish aquera eslurrada,
Entà virà's lo dangèr,
Pepé drom a la solharda,
En devath de l'escalèr.
Qu'avem ua caravana
E cada mes de julhet,
Que se'n vam tà la mar grana,
Tà estar drin mei morets.
Com lo cuu d'ua padèra,
Negre deu cap dincaus pès,
Pepé que'n estó de tira,
Quan passà lo petrolièr.

N'avem pas páur a la bruma,
Lo fesilh tostemp cargat,
Un canhàs plen de caishalas,
Aqui que i a securitat.
L'aute nueit au clar de lua,
Pepé sortí tà pishar,
Lo con de can qui lairava,
Que te'm desvelhà Papà.
Que't fot un còp d'escopeta,
A Pepé que'u se mancà,
N'avè pas hicat lunetas,
Que's hasó petar lo can.
E vedetz quin ei la vita?
Desempuish aqueth ahar,
Pepé hè tostemp cistita,
E non pòt pas mei pishar.

Dab la navèra leishiva,
Tot qu'ei mei blanc a l'ostau,
Deu solèr dinca la cava,
Qu'ei blanc com un espitau.
Qu'avem crompat la tondusa
Tà remplaçar lo dragon,
Que podem paréisher adara,
N'ei pas èrba, qu'ei gason.
Pepé qui minjava sopa,
Que l'an hicat en pension,
Que disèn que horlupava
Devant la television.
De la maison de retrèita,
Pepé que s'ei escapat,
Que m'a enviat ua letra,
Tà que prepari lo sac.

Alavetz, dab Pepé
Que vam tornar tà la valea,
Camas cortas, camas vielhas,
Medish pas que marcheram,
E dilhèu, si m'at ditz,
Dilhèu que minjarèi la sopa,
Mes serèi pas jamei gran,
Mes serèi pas jamei gran.

Quand on est partis de la vallée,
Ou la vie était en pente,
Dans le plat de la grande ville
On a acheté du lotissement.
Et Pépé qui radote
Ne voulait pas marcher,
Il a attrapé le torticolis,
Tant il s'est retourné.
La maison qu'on a achetée,
C'est une Bruno Petit,
Il y en a pour toute la vie
A payer le crédit.
Le voisin a la même,
Mais chacun chez soi,
On lui serre la main tous les jours,
Par dessus les barbelés.

Mais un jour avec Pépé,
On reviendra dans la vallée,
Jambes courtes, jambes vieilles,
On marchera du même pas,
Et moi quand vient le soir,
Je ne veux pas manger ma soupe,
C'est pour pas devenir grand,
C'est pour pas devenir grand.

Pour rentrer dedans la chambre,
Il faut mettre les patins,
Dans un méchant virage,
Pépé s'est étalé.
Depuis cette glissade,
Pour parer à tout danger,
Pépé dort à la souillarde,
En dessous de l'escalier.
On a une caravane,
Et chaque mois de juillet,
On s'en va à l'océan,
Pour être un peu plus bronzés.
Comme le cul d'une poêle,
Noire de la tête aux pieds,
Pépé en a été tout de suite,
Quand le pétrolier est passé.

On n'est pas des trouillards,
Le fusil toujours chargé,
Un grand chien tout plein de dents,
C'est ça la sécurité.
L'autre jour au clair de lune,
Pépé est sorti pour pisser,
Ce con de chien qui aboyait
A réveillé papa.
Il a foutu un coup d'escopette,
Il a manqué Pépé,
Il n'avait pas mis les lunettes,
Il a tué le chien.
Vous voyez comment est la vie,
Depuis cette histoire,
Pépé fait de la cystite,
Et ne peut plus pisser.

Avec la nouvelle lessive,
Tout est plus blanc à la maison,
Du grenier à la cave,
C'est blanc comme un hôpital,
On a acheté la tondeuse,
Pour remplacer la faux,
On peut paraître maintenant,
On n'a plus de l'herbe, on a du gazon.
Pépé qui mangeait de la soupe,
Ils l'ont mis en pension,
Ils disaient qu'il « hourlupait »,
En regardant la télévision.
De la maison de retraite,
Pépé s'est échappé,
Il m'a envoyé une lettre,
Pour que je prépare le sac,

Alors, avec mon Pépé,
On va repartir pour la vallée,
Jambes courtes, jambes vieilles,
On marchera du même pas,
Et peut être, s'il me le dit,
Peut être que je mangerai ma soupe,
Mais je serai jamais grand,
Je serai jamais grand...